

BERITA ONLINE
BERNAMA
TARIKH: 26 OKTOBER 2022 (ISNIN)



EKONOMI

Cradle anjur acara jaringan padankan syarikat pemula, pelabur



26/10/2022 05:51 PM

KUALA LUMPUR, 26 Okt (Bernama) -- Cradle Fund Sdn Bhd (Cradle) telah menganjurkan acara jaringan pertama pasca-pandemik, Cradle Circle yang menghubungkan syarikat pemula niaga dibiayainya dengan bakal pelabur serta penggiat ekosistem berkaitan.

Naib Presiden Kanan Cradle Juliana Jan berkata acara sehari pada 20 Oktober lepas itu membabitkan program seperti pembentangan idea perniagaan serta sesi jaringan dan perkongsian.

Beliau berkata sokongan ekosistem syarikat pemula niaga, khususnya menerusi penyertaan dalam acara berkenaan, adalah bertepatan dengan rancangan Cradle untuk menganjurkan sesi sama dalam masa terdekat bagi membantu serta memudahkan lebih banyak syarikat pemula niaga dibiayai Cradle bertemu dengan pelabur berpotensi di peringkat lapangan.

"Cradle yang juga agensi dilantik Kementerian Sains, Teknologi dan Inovasi (MOSTI) bagi peringkat awal ekosistem syarikat pemula, menyasarkan bukan hanya setakat membantu aspek peluang pendanaan tetapi juga melonjakkan pengusaha itu secara holistik menerusi kelompok Cradle Circle.

"Ini menjadi antara inisiatif kami untuk mengurangkan sebarang kemungkinan wujudnya jurang dalam ekosistem terbabit," katanya dalam satu kenyataan hari ini.

Sementara itu, Pemangku Ketua Pegawai Eksekutif Kumpulan Norman Matthieu Vanhaecke berkata Cradle sering mendapati adanya syarikat-syarikat pemula niaga di peringkat awal ini berdepan cabaran seperti kekurangan kepakaran serta bimbingan yang tepat dalam perjalanan pengembangan perniagaan masing-masing.

"Oleh itu, adalah diharapkan inisiatif Cradle Circle itu membolehkan kami untuk terus melonjakkan serta memperkasa mereka dengan keperluan perniagaan selain menghubungkan mereka dengan jaringan serta sumber-sumber yang diperlukan," katanya.

Cradle telah membantu lebih daripada 1,000 syarikat pemula berasaskan teknologi dari segi kemudahan mengkomersialkan pertumbuhan masing-masing yang turut menyumbang kepada negara melalui teknologi selain menjana pewujudan pekerjaan dan perkembangan ekonomi.

-- BERNAMA

Ekonomi Digital dan Malaysia

Dengan ekonomi digital diunjur berkembang pesat pada masa hadapan, SAP berhasrat untuk terus kekal di Malaysia.

Siew berkata menurut data Kementerian Sains, Teknologi dan Inovasi, ekonomi digital dijangka menyumbang 22.6 peratus daripada Keluaran Dalam Negara Kasar (KDNK) Malaysia pada tahun ini dan mencipta lebih 500,000 peluang pekerjaan menjelang 2025.

Ekonomi digital ASEAN diunjur mencecah US\$1 trilion menjelang 2030. (US\$1=RM4.74)

Pandemik, terutamanya telah mempercepat kemajuan pendigitalan dan untuk terus berkembang maju dalam persekitaran "yang tidak boleh kembali seperti biasa", perusahaan dan kerajaan perlu melakukan transformasi untuk menjadi lebih pintar dan mampan.

"Sebagai peneraju teknologi global, kami komited kepada pertumbuhan ekonomi Malaysia seperti apa yang kami lakukan sejak tiga dekad lepas. Kami bekerjasama dengan pelanggan kami di Malaysia untuk membantu mereka mengguna pakai teknologi canggih utama agar mereka menjadi lebih produktif dan cekap," katanya.

Bagi tujuan ini, SAP telah bekerjasama dan akan terus bekerjasama dengan banyak kerajaan serta perusahaan bagi menyokong transformasi bukan hanya dalam pendigitalan tetapi juga merebut peluang baharu dengan cekap.

"Ini juga melibatkan latihan dan latihan semula tenaga kerja bagi merebut peluang dalam ekonomi digital pada masa hadapan," kata Siew sambil menambah SAP menjalin kejasama rapat dengan Perbadanan Ekonomi Digital Malaysia (MDEC) dan universiti tempatan.

Beliau berkata sebanyak sembilan institusi pengajian tinggi merupakan anggota SAP University Alliances Program yang termasuk Universiti Multimedia, Universiti Tenaga Nasional, Universiti Malaya, Universiti Kuala Lumpur, dan Kolej Universiti Tunku Abdul Rahman.

"Sejumlah 21,000 pelajar memperoleh manfaat sejak 2012 dengan 3,000 penuntut dilatih bagi kemahiran digital dan kemahiran SAP setiap tahun memandangkan sentiasa ada permintaan tinggi terhadap kemahiran dan perunding SAP.

"Justeru, SAP giat mengekalkan momentum dalam ekosistem," katanya.

"Menariknya di Malaysia, permintaan terhadap kemahiran SAP bukan hanya datang dari dalam Malaysia dalam kalangan pelanggan dan perusahaan Malaysia sahaja tetapi juga bagi rantau ini. Ramai pelanggan di rantau ini yang menggunakan Malaysia sebagai pusat penghantaran, yang mana ia bagus bagi ekonomi negara," katanya.

SAP dan PKS

"Walaupun SAP terkenal dengan pelanggan daripada syarikat besar, terutamanya yang tersenarai di Bursa, hakikatnya, di seluruh Asia Tenggara dan Malaysia, 80 peratus daripada pelanggan kami adalah PKS," kata Siow.

Sejak dua tahun lepas, permintaan terhadap penyelesaian SAP daripada PKS meningkat dengan pesat dan ia merupakan segmen SAP yang berkembang paling pantas.

"Kami mempunyai banyak pelanggan PKS baharu kerana mereka juga perlu menyokong operasi dari jarak jauh," katanya.

Sejak 2021, SAP menerima permintaan tinggi daripada PKS bagi penyelesaian awannya, kedua-duanya daripada pelanggan sedia ada dan pelanggan baharu. Malahan, PKS membentuk 90 peratus daripada jumlah pelanggan SAP di ASEAN.

PKS adalah tunjang ekonomi ASEAN. Ia menyumbang 90 peratus daripada perniagaan dan lebih 50 peratus daripada jumlah pekerjaan di ASEAN, serta 41 peratus daripada KDNK serantau.

"Secara kebetulan 'RISE with SAP' adalah penawaran awan terbaharu kami, dan saya ingin berkongsi berita gembira bahawa syarikat seperti Johor Corp dan Malaysia Airlines telah menggunakan RISE with SAP bagi memastikan operasi yang mampan dan pintar untuk mencapai pertumbuhan," katanya.

Menurutnya, SAP berharap dapat memperkasakan pendigitalan dan transformasi PKS di Malaysia untuk menyokong pelan pertumbuhan dan pengembangan mereka, yang mana juga dapat mengukuhkan ekonomi di rantau ini.

Menyokong ESG

Siow berkata bukan hanya syarikat besar yang mencari penyelesaian yang membolehkan mereka mematuhi prinsip alam sekitar, sosial dan tadbir urus (ESG) tetapi juga PKS, terutamanya yang merancang untuk berkembang serta melaksanakan tawaran awam permulaan mereka.

"Berlaku peningkatan sejak tahun lepas dari segi pelanggan yang mencari penyelesaian untuk menyokong matlamat dan pematuhan ESG mereka, sama ada syarikat besar mahupun PKS," katanya.

Antaranya, perisian perancangan sumber enterpis (ERP) SAP memiliki semua data yang diperlukan bagi pematuhan ESG dan syarikat hanya perlu mengambilnya untuk tujuan pelaporan.

"Dalam pada itu, SAP juga terus berusaha mencari jalan untuk menginovasikan lagi penyelesaiannya," katanya.

-- BERNAMA